

白鹿書院志

白鹿書院志卷之十七

星子縣知縣毛德琦原訂
署南康府事周兆蘭重修

藝文

七言律

次卜寧書落成白鹿佳句

朱子

重營舊館喜初成要共羣賢聽鹿鳴
三爵何妨奠蘋藻一編詎敢議明誠
深源定自閒中得妙用元從樂處生
莫問無窮菴外事此心聊與此山盟

白鹿講會次卜丈韻

朱子

宮牆蕪沒幾經年祇有寒煙鎖澗泉
結屋幸容追舊觀題名未許續遺編
青雲白石聊同趣霽月光風更別傳
珍重箇中無限樂諸郎莫苦羨騰鶩

再用前韻示諸同遊

朱子

幽臥寒巖不計年飽看山月聽風泉
舒憂正得琴三疊玩意惟憑易一編
誤落塵中乘鳳尚却思洞裏付真傳
封章倘幸天從欲便解銅符謝紫鵞

和子徵白鹿之句

朱子

經句不到鹿場陰夢想飛馳不自禁
幸有高軒同勝

賞何妨折屐其幽尋徘徊未厭詩書樂感慨難忘忠
孝心更對豐鐫哦伐木風泉雲壑自清吟

次韻四十叔父白鹿之作

朱子

誅萌結屋想前賢千載遺踪尚宛然故作軒亭捐蒼
翠要將歌誦答潺湲諸郎有志須精學老子無能但
欲眠多少箇中名教樂莫談空諦莫求仙

讀諸友遊仙詩卷不能盡和和首尾兩端

朱子

去年尋得李家山考卜且成屋數間要與青衿時散

帙閒臨碧澗共觀瀾詩書本說人間事勲業休看鏡
裏顏誰識寥寥千古意新詩題罷蘚痕斑

向來結友尋名山下敗絕壑高危巔胡爲一旦墮塵
網五老在望心茫然青牛底處有行跡白鹿幾時同
正員清遊帶雨想幽絕妙處只恐詩中傳

遊白鹿洞

黃 異

少室趨朝髮未斑獨留祠屋碧雲間紫陽學接千年
統白鹿名高萬仞山歌誦傳游符泰運風烟頃刻落
塵寰遙瞻端拱斯文治入奏從容達帝關

遊白鹿洞

李時勉

昔賢乘鹿賦幽尋
小洞名留却到今
人去獨餘芳草綠
山寒長共白雲深
橋邊卧柳春臨水
臺去歸鴉晚度林
何日更從游上過
遺址猶在許登臨

憶白鹿洞寄余翰林

彭汝器

幽人隱處隔幽岑
樹色依微古木深
苔徑未荒畱勝跡
鼓歌已遠有遺音
山頭鹿去餘荒草
林下雲來起夕陰
期到匡廬尋往事
不辭險絕亦登臨

送人讀書鹿洞

高若鳳

碧瓦參差儼杏壇
白雲深鎖洞門閑
不宗朱氏原非學
看到匡廬始是山
千里松風湖洶洶
一溪泉水佩珊珊
會須結屋書堂近
五老峯前任往還

白鹿洞

陸深

亭臺高下恣登臨
泉石松篁處處尋
一徑蒼苔無俗轍
四時歌誦有清音
人逢勝境功名薄
山到斜陽紫翠深
五老不隨雲雨變
卜隣初見古人心

題朋來亭三首

王宗沐

朋來誠不負亭名
坐對天空五老清
顯晦有時雲作

幻堂亭無去主爲盟芙蓉纈繡當窓落禮樂聲歌遠
洞鳴千古何人得同調巢松李白竟無成

孤亭縹緲四無隣今古匡廬望裏春俯仰乾坤須著
此主張風月更何人洗心賴境終非靜避俗耽山亦
是塵未喪斯文吾黨在莫教虛度電光身

結亭原只爲朋來朋至亭成傍雪開三載兩番緣底
事成章未達欲誰裁天風樹際傳鳴鐸夜月孤峯倚
鏡臺同學紛紛近何事心齋贏得似顏回

遊白鹿洞

吳國倫

向來披髮走廬山萬疊芙蓉次第攀樹杪玉虹爭自
濯雲深白鹿不知還誰云傲吏能忘俗賴有新知亦
解顏試問山中龍劍氣漠漠只在斗牛間

重遊白鹿洞二首

吳國倫

曾從勝地結良因三十餘年要問津石室依然雲壘
盡溪橋不改石粼粼諸生侍坐皆新進五老登堂自
故人蒼樹碧苔含古色清遊何但遠風塵

何處招尋白鹿仙千巖萬壑駕飛泉煙霞自昔封丹
洞竹柏春深護講筵山意欲留曾住客地靈應了再

末級登臨盡日渾忘老拂石仍操白雪絃

白鹿洞

朱曰藩

礪水觸石鏘鳴璆桂樹叢生山之幽山南初喜到白
鹿水北恰當逢女牛入耳蜩蟬休太沸會心龍夔自
知求回看五老好容色瀟灑江湖遡早秋

過白鹿洞

詹仰庇

白鹿幽居喜共臨青山到處好相尋天開仙掌雲爲
色澗落珠簾雨作音四壁圖書寒竹潤千年廟宇瑞
煙深我來猶負匡君約獨對孤亭繫此心

鹿洞遇元宵題

趙參魯

山館幽幽隔市塵呼朋亦自度芳辰
燈前杯話忘溪夜竹裏笙歌引洞春
宿鳥知更喧入耳疎梅得月影
窺人天街此際金吾醉遙望祥光護紫宸

白鹿洞示諸生

吳遵

五峯高出五雲端精舍晴開翠鬱盤
百世流風瞻沮豆兩間元氣重衣冠
叢頭草色春將遍樹裏嵐光晝亦寒
薄暮詠歸情未已尚餘幽夢繞清湍

遊白鹿洞

張元忭

五老峯前白鹿居得來瞻眺獨歎歎百年盡棟巢新
燕幾篋殘經隱蠹魚流水何人遡濂洛高山猶自見
匡廬乾坤我輩空冠冕屈指先賢總不如

新復書院

曾乾亨

紫陽心印白雲閑春色年年獨往還一自烈焚來大
壑遂令吾道重多艱枕流誰復貪飛雪俯檻空憐有
碧山不是仙郎書蚤上至一牧豎臥賢關

謁白鹿書院二首

彭夢祖

逶迤岡勢草芄芄深在匡廬第幾峯千古官牆青嶂

合四時燈火白雲封橋門問字穿松入洞口尋碑與
鹿逢讌集不知歸去晚空朦月送講堂鐘
亭閣爲招五老峯主賓相對常從容寒雨一天洗苦
面清風兩腋騎茆龍雲深洞口養白鹿水繞山厨燒
青松卽有蓬萊難勝此我來日日採芙蓉

閱李獻吉碑

余翔

雲山縹緲路多岐招隱行歌却爲誰鳥下鱸堂窺古
木蒼生鹿院餽殘碑宮牆數仞經千嶂俎豆諸生辯
四維要涉洞門流水曲釣臺亭畔有餘思

思賢亭課文因示諸生

劉廷誥

孤亭攬結青山勝古洞流傳白鹿名日射香鑪煙欲
動雲開屏石錦初明談經須解思賢意較藝真懷報
主情巖穴廟廊元咫尺不知何以答平生

同王司理遊白鹿

鄒德溥

五老青蔥天半開風泉雲壑隱蓬萊風驚翠竹侵衣
袂雲挾蒼松落酒杯世外乾坤閑作主洞中煙月澹
爲媒不消歌管拌沉醉已怪飛花撲釣臺

白鹿洞次朱文公韻四首

吳炳庶

白鹿書院志卷十七

山花不斷鳥鳴陰
弱柳吹風半不禁
日月迴於塵世
異孔顏樂向洞中尋
臺臨絕壑堪垂釣
石漱寒泉解
洗心至此已忘言
象外白雲無事發孤吟

登臨聊與洞中賢
短褐輕鞋任自然
貫道溪頭春滾滾
洗心橋畔水潏潏
歌閑白日褰雲坐
舞破春風藉
草眠不向人間干
俗事便從何處覓神仙

讀書築舍匡廬山
五老峯迎霄漢間
新竹壓簷青拂
戶廻光映日錦爲
瀾山遊白鹿經唐
宋廟蔭蒼松
識孔顏最是暮春
風日好杏牆香泛
落花斑

卓爾一山簷際立振衣還在山之巔遊偕鹿豕春恬
若望到江河心沛然唐社變爲三代學劉生擬作半
千員風泉山月人同得勿謂當年意不傳

遊白鹿洞

湯賓尹

千古宮牆存廟貌一堂鐘鼓合軒縣閑尋鹿跡偶遊
此乍聽松風亦爽然同異幾人開隻眼往來各自辦
雙肩鄱陽湖水蘆山月遍照東西南北船

白鹿洞

崔應世

攬轡登臨問所之山房書幌靜襟期拂霄古樹何人

植秀篆蚪文幾代題風吼雲堆皆是道鳥啼花笑莫
非詩於中坐臥殊誇勝理學文章實我師

白鹿洞

曹光寓

窈窕尋幽護紫氛石岑高處訪匡君仙人古洞黃庭
笈太史名山綠字文春半流澌消積雪晝寒老樹結
蒼雲幾年白鹿藏豐草汗漫知誰共爾羣

冬初鹿洞卽事

袁懋貞

筍房本館鬱巔峴天際芙蓉倚檻看世事多情松自
老化機無語菊初殘考鐘茵閣清生籟布席豁橋冷

沁肝笑指鹿群依舊主

揭來李氏通登壇

白鹿篇贈毛心齋

朱 軾

栽栽鹿洞講堂開萬古
切問清時選收必良才
地舊栽從此洪鐘時一

精靈發越來 聖主崇儒垂
光風霽月君新領古檜蒼松
叩不教庭廡翳莓苔

前題

查嗣琛

落星樓迥倚山間縹緲
出垂龍常繞石梁迴百
草萊莫惜俸錢三十萬

丹霞接紫臺馴鹿定隨芝蓋
年聖蹟闢興廢千古名山近
建禮殿乃朱子捐一尋書洞
錢三十萬所營也

掃蕒苔

白鹿洞詩

冀霖

道統於今續考亭好尋鹿洞訪遺經樓藏

御墨輝千仞座擁

宸章疊九屏可結一廬乘月白難招五老下峰青重光

名教伊誰任莫負尼山舊典型

白鹿洞詩

葉謙

出守匡廬已七年頻來自鹿湖遺編每求民瘼登三五母負君恩歲二千惻對鰥魚皆道體默尋經史

有真詮宮牆
淇水一天家澤期爾長歌棧模篇

白鹿洞書院紀事

查慎行

古洞盤旋路
欲封到門無樹不喬松陰森前後三重
殿突兀西南
五老峰兵火縱教仇典籍蟲魚何敢蝕
蛟龍睢陽獄
麓全荒棄留得宮牆儼辟雍
九原可
作心相許千
古淵源只數公大事商量何草草當時
位置太匆匆
祠荒勿復論分合道在終須辨異同祀
典也應煩早
定莫令禮樂笑淹中
前賢餘澤最
明立法雖良
視奉行幸爾流風綿歷代猶從朔望集

諸生學田籍去官支俸觀德亭荒士好名此日終
非捷徑溪山何負讀書聲板橋南北水濛洞卓
山前半草萊題扁已更新歲月看碑猶辨舊亭基
端講院人人設何怪儒風日日頽傳語後來須
此間容易著英才

追和朱子白鹿洞詩

陸奎勳

濂洛諸儒此集成虛堂遙應四山鳴洞規劇續絃
盛御筆推崇性道明風裏疎疎松蓋偃溪邊朗朗
月眉生塵纓

希聖士希賢高美亭中坐灑然草色有心呈翠蒨水
聲何事弄潺湲宗臣遺像猶龍卧賓客清風任鹿眠
少壯光陰悔虛擲半緣學佛半求仙

白鹿洞紀事

楊嗣震

賢關匡阜鬱峻嶒向學人心到此增卓爾亭前高莫

卽葵倫堂上喜初登最宜一子崇崇祀

專立紫陽祠

不許

名山獨占僧畢竟儒風貽澤遠生徒氣象尚蒸蒸

喜逢地主是鄉賢

毛心齋吾浙人

異政西江載路傳手闢荒

榛崇理學

清復洞田新修洞志

胸羅丘壑譜雲烟

新修廬山志

人貪

借箸方爲郡方畧令到名區始是仙却喜從君談往

蹟一官如水筆如椽

贈毛心齋之官星子 蒙

天語垂示鹿洞故蹟同人賦詩以誌

榮幸

查嗣璫

落星樓迥倚山開縹緲丹霞接紫臺馴鹿定隨芝蓋
出壑龍常繞石梁廻百年

聖蹟開興廢千古名山近草萊莫惜俸錢三十萬

建禮殿爲

朱夫子捐錢二三萬所管一尋書洞掃莓苔

前題

吳應楨

薰風拂綬出京華
栽得桃源樹樹花
陶令高踪看碧柳
匡君遺蹟勝丹砂
千村犁雨春耕野
一榻琴聲午放衙
若過玉京峰頂望
江天秋水有蘼葭

前題

朱軾

我我鹿洞講堂開
萬古精靈發越來

聖主崇儒垂切問
清時選牧必名才
光風霽月君新領
古檜蒼松地舊栽
從此洪鐘時一扣
不教庭廡翳莓苔

苔

前題

胡德邁

治行當年嶺嶠開飛鳧又指玉京雲
庭收廬嶽千峯勝坐對星湖一鏡分
酌水各簾懷陸羽携琴石室拜匡君
京南絕學

左畏切與教重披鹿洞文

前題

梅國棟

碧桃翠柳簇花茵野外晴嵐趁好春
飛舄久傳仙案吏彈琴暫借宰官身
偶來鹿洞尋紅友更卧廬山試白民
占盡風流誰得似洒然冰雪藐姑神

前題

洪書

雲峰飄緲絕塵寰仙令巾車日往還
百里湖山詩卷裏一城花鳥畫圖間
清風蕩蕩琴堂靜春色融融藹
星閑更繼前賢開鹿洞曾陳丹陛霽
天顏連朝聽雨倚高樓遠望烟嵐當
卧遊却問名山誰管領因知清政最
風流三年製錦稱循吏五馬行春冠
列侯時兼群策飲到牙津效酬倡桃花
兩岸逐仙舟

前題

朱星渚

西江勝槩滙官亭萬頃玻璃湧翠屏
遠郭水雲秋漠

漠綠汀風景畫泠泠雨餘嵐氣千層紫燒後畚烟一
抹青此去湖鄉妙爲政絕無盤錯到公庭何來天
半九芙蓉憑伏雙鳬次第逢攬勝會携青玉杖凌虛
直上紫霄峰飛泉三疊寧嫌少曲磴千盤不厭重公
事却從閒裡聽頌聲應徧起花封鹿洞猶存舊講
堂蒼松古檜未全荒親承 黼座如綸語虔奉儒家
一瓣香檻外春風天濤洑簷前山雨夜淋浪憑君領
取無邊趣彈作琴聲韻最長 諭交瀧嶺十年前酒
殘吟筭事宛然華髮換來仍客路青綢緇去又江天

期君還擢排雙戟愧我摧頽業一編他日相逢在何處五湖鮭菜好連缸

前題

陳于辰

漢庭吏治任賢良親聽溫綸此拜颺此際觀瞻多
禁近遙知奏對必精詳谷簾第一清泉品鹿洞由來
舊講堂崙藉長才理疲邑心如明鏡節如霜二十
年前客冀州論交相與古人求晨星聚散東西宦乞
米偷閒甕牖留馬骨頗高廉素著親知責備惠難周
道旁一笠君休訝結納安貧不自羞星落澄湖水

勢衝匡廬遠望白雲封尋幽擬讀諸碑碣被服還思

禮德容

有吳道子畫聖像

會面卽添新別緒故人殊喜此相

逢蕭閑官舍無長物燈映瓶梅倩影重 春風釀雨

峭寒新斗室窓几迥絕塵理學今誰臻上乘山川昔

日聚賢人精明察及秋臺未強幹真能舉百鈞執手

清言多策勵願從頭白轉相親

喬文郁周之冕徐萬俊隨英題湖山寫影圖聯句

世業能經稱夙學

喬

一官如水滋湖濱

周

才高不厭

分人任

徐下車卽奉委平允萬年大猷

學富何妨水署貧

隨

鹿洞

重開新講席秀龍岡復見舊儒身周星城竟日絃歌

循徐黍谷桑園處上春隨

紀恩詩

毛德琦

康熙甲子夏臣德琦銓補星子令引見澹寧居蒙

上注視願謂銓臣曰星子地方爾等曾到過否朱子曰

白鹿洞講堂在此

上復願臣琦曰這人去得臣琦自念微末外吏乃荷

垂詢異數若此仰見

聖學精深與朱子獨有真契故隨在上煩

睿照令斯土者益覺報稱爲難而忝竊之是懼矣感激之餘恭紀二律

臨軒一一聽循良

恩逮微臣亦對揚豈有通才邀

注問恰因勝地示周詳山靈重見真儒業道德猶傳舊講堂此去祇承

天語切敢教草樹闕清光聞道山城驛宿蕪崇巖峯

擇俯澄湖漫希宜蹟清於水却喜賢閑近在郭導領多慙行處拙俸錢只恐受來誣觚稜紫氣常凝望

渺渺江程去不孤

四言詩

白鹿洞

顧錫俊

陟彼匡山呦呦鹿鳴言念幽人於此安貞紫陽繼起
正學聿興朝考道藝夕聞誠明揭來瞻對山高水清
松杉謖謖衿帶青青歲時在冉獨愧平生雲壑風泉
喟然含情

雪中登朋來亭望五老峯

吳之龍

虛亭何處來朋儕酒喬松瑤草萃崱層岡若圍潯溪

深澗如倒雲籠黛色皚皚雪鎖青冥皜皜晴空蒼翠
依然誰謂五峯果老

五言絕句

白鹿洞

李夢陽

白鹿昔成羣鹿去誰復來樵子暮來下洞中雲自開

風雲石

李夢陽

依崖坐孤石北對五老峯中有千尺虹挂斷巖上松

枕流橋

李夢陽

峽急豈有心隨橋石相激蕩驚橋上聽夕陽人獨立

釣臺

李夢陽

終日釣石坐清波閒我釣擲竿望山月回向衆魚遊

廻流山

李夢陽

登山眺四極一坐日每夕行看夜來徑苔上有鹿跡

井

李夢陽

新穿崖下井微霞映深靜松風時來拂娜娜匡廬影

登釣臺

程拱宸

煙水環山碧不見垂綸客空餘此高臺惆悵千年跡

釣臺亭

鄒元標

山頭一片石人傳舊釣磯萬竿秋色裏相對已忘機

思賢亭

鄒元標

芳蘭不可握翠竹映樓臺隱几焚香坐清風撲面來

朋來亭

鄒元標

聖賢久寂寞六籍總荒蕪夜夜庭前月相看自不孤

月下口占四首

李應昇

長松蔭寒泉紫月墮深井驚濺老龍鱗散落千層影

山靜鳥無言月波冷可沐不道石上月還疑眠白

鹿渡溪芒屨濕兀立酒初醒點點松梢白跡痕幾

箇星 言尋獨對亭相將松影去獨對者誰子問松
松不語

七言絕句

題李處士山居

楊嗣後

臥龍決起爲時君寂寞匡廬唯白雲今日仲容修故
業草堂焉敢便移文

送碧崖甘叔懷遊廬阜兼簡白鹿山長吳兄唐卿
及諸耆舊三首

朱子

匡廬不見幾經年一話清遊一悵然此日送君憑問

訊千峯影裏舊潺湲

知君拄席下清江未見香爐意已降直上新泉得雄
觀便將傑句寫長扛

遺君踪跡莽荆榛曾把詩書爲作新今日總輸吳季
子枕流漱石自由身

山間勝處皆有前賢題詠可尋獨新泉近出最名
殊勝非三峽漱石所及而余未之見故詩中特言
之黃石巖絕高而漱玉之原眼界特曠遠余嘗一
詣而不能及近聞故史張生彙家居之其勇猛精

進老守益有媿焉叔懷倘至其處試爲物色頗存
問之爲佳

枕流石

胡居仁

三峽澗頭眠巨石字有枕流留古跡一枕千年永不
移清流晝夜無時息

慕白鹿寄余侍講

胡儼

幽棲此地憶前賢白鹿神遊不記年獨有紫陽遺跡
在石田芝草長苔煙

遊白鹿洞

張元禎

潺潺流水泛輕杯千古風流又一時五老雲端應失
笑此中真趣幾人知

再訪白鹿洞三首

湛若水

廿年不見廬山面依舊廬山似我癡駐樂題詩人不
見丹山今在小司徒

山青雲白似吾無似笑頭顱非故吾世態日隨人事
變山靈何必訝頭顱

朱陸當年此講開曉然義利一時分要知義利真消
息物我心生似火焚

遊白鹿書院

蔡雲程

石澗猶傳鹿洞名
松風滿壑送泉聲
當年歌誦人何在
五老峯頭月自明

遊鹿洞

俞憲

白鹿青春講席開
千峯躑躅意徘徊
諸生莫訝煙霞客
昨夜初從星漢來

遊白鹿洞

顧應祥

偶從林谷探春芳
石澗幽蘭處處香
惆悵人豪招不起
野雲長護講經堂

聖澤泉

徐續

吾道由來今始見清冷只在最高峯
靈源直上三千尺知是雲端第幾重

偶言二首

鄒元標

壁間時挂不經琴風度泠泠萬古心
我欲一彈山水曲却嫌人擬太高深

無古無今無顯微千年賢聖意同歸
庭前草色青青出未許人間說是非

白鹿篇贈毛心齋

胡會恩

城根廬岳千尋聳門外宮亭萬頃澄此去揮絃人似

玉冷上風善卽飛騰 彤廷

天語聽分明鹿洞千秋教澤宏簡得醇儒宰名邑講堂
風月辦香清

前題

汪日祺

琴堂無事訟庭閒疊嶂崇巖指顧間第八洞天堪吏

隱

廬山志疊嶂九層崇巖萬仞道書第八洞天

褰帷露冕看廬山

天語親承問講堂風流爲政荷龍光思惟報 國無他

事好正儒宗屏紫陽

前題

葉丹

桃花春水木蘭舟一霎宮亭阻石尤爲慕清風懷刺
訪好從冰署識荊州庭無案牘懶逢迎坐對廬峰
面乚橫百丈泉飛澄澗底人傳爭比使君清古洞
雲封掩綠苔千秋白鹿講堂開于今名教先生主曾
受

天恩顧問來漫道論交在此時風流儒雅是吾師明
朝又掛蒲騶去極目湖山繫遠思

前題

王思訓

再度匡山值好春
彭湖桃李一番新
東風不改誰能識
惟有湖山舊主人
荒城三月送歸舟
何處鶯花紀勝遊
一郡荊榛帶寒雨
羣卽春日苦登樓

鹿眠場

查慎行

山人陳迹久荒唐
石洞新移近講堂
町疃年々青草沒
兒童偏指鹿眠場

武侯祠

查慎行

舊來忠節祠何處
丞相新堂獨改營
若是此中多序爵
故應無地置淵明

訪白鹿書院

周嗣修

爲慕薪傳訪講臺雲深別見少塵埃門前花竹皆成
趣疑是文公手自栽

千載風流自李家紕陽踵蹟更堪誇可憐勝事今非
昔徙倚溪頭日欲斜

原泉亭

毛忠諫

爲溯原泉出講堂到來許我立蒼茫因思不息源
海一線全虧濬紫陽

白鹿洞賦

朱子

承后皇之嘉惠宅廬阜之南疆閑原田之告病惕農
扈之非良粿孟冬之旣望風余駕乎山之塘徑北原
以東驚陟李氏之崇岡揆厥號之所由得頽址於榛
荒曰昔山人之隱處至今永久而流芳自昇元之有
土始變塾而爲庠儼衣冠而經誦紛濟濟而洋洋在
叔季而且然矧休明之景運皇穆穆以當天一軌文
而來混念敦篤於化原乃搜剔乎遺遯盼黃卷以置
鄒廣青衿之疑問樂菁莪之長育拔雋髦而登進迨
繼照於咸平又增修而罔倦旋錫冕以華其歸琛亦

肯堂而詒孫悵茂草於熙寧尚茲今其奚論天既啓
余以堂壇友又訂余以冊書謂此前修之逸迹復關
我聖之宏模亦旣震於余衷乃謀度而諮諏尹悉心
以繼紀吏竭蹶而奔趨士釋經而敦事工殫巧而獻
圖曾日月之幾何屹夏屋之渠渠山璵璣而遠舍水
汨漚而循除諒昔人之樂此羗異世而同符偉章甫
之戔戔抱遺經而來集豈顓眇聽之爲娛實覲宮牆
之門入媿余修之不敏何予望之能給矧道體之無
窮又豈一言之可緝請姑誦其昔聞庶有開於時習

曰明誠其所進抑敬義其偕立允莘摯之所懷謹巷
顏之攸執彼青紫之勢榮亦何心於挽拾亂曰澗水
一觸石鏘鳴璆兮山木萃葦枝相樛兮彼藏以修息且
游兮業崇德茂聖澤流兮往者弗及余心憂兮來者
有繼兮我將焉求兮

昔者文公先生旣重作白鹿洞書院屬呂成公記
之而又自作此賦豈無意於其間乎某常泛彭蠡
登匡廬升斯堂三復於斯文矣於所謂誠明兩進
敬義偕立凜然有遲莫無及之嘆今夫荒澗寂寞

之濱朝誦暮經者豈無其人哉安知其不與愚同
此感也今此篇緝錄文公全書者以冠諸首家傳
而人誦之則不待皆至乎白鹿洞者平章迂軒趙
公之幼子乃購得其藁本觀其草具之謹改定之
精尤足想見其意度他日請使善工模之而勒諸
石以補洞中之闕庶後之覽者有所觀感豈私玩
云乎哉虞集跋

次朱子韵

方岳

臨翁先生去洞之六十又九年其里中學子方岳等

得主藏書徘徊顧瞻有慨其歎茲歲行之無幾而世
變已不古矣乃次翁韵爲白鹿洞後賦招我同盟而
一歌之其詞曰始余眺眠鹿之町墮界白雲以爲疆嗟
五老人者之無恙獨有覲於二千石之維良朝予樂
兮紫陽夕予夢兮朱塘訊風泉與雲壑勞降嶽而陟
岡慨夫子其未遠寧吾道之易荒言琅琅以猶在將
彌久而彌芳皇拊髀其永懷一天視於帝庠悼雲漢
之昭回紛恩溥而德洋洋同盟其念哉毋諉焉於氣
運惟命義之是閑豈善惡之可混與有獲以詭隨盍

無悶於嘉遯道鳥在乎高深體吾身其學問將喻利
以尺枉抑嚮方而寸進念日用之常行奚先傳與後
倦今來歌而來遊尚及門之子孫匪執經而問焉誰
與歸兮其論余既互鄉之晚生又主藏山之遺書悵
莫企乎前修思盡復其舊模疇去籍以紛放肆予度
而予諷二三子其來前矩吾今之步趨枕寒流以漱
石有書右兮左圖儼老仙之在旁何玉我之勤劬日
三省以澡滌時四勿其掃除古之人何人斯而余肯
同夫讀書城南之符也駕長風而來思抱明月以翔

集并空谷其遐遺率聖域之侵入以經籍爲朋友以
泉石爲供給佩猗蘭之秋香紉芙蓉而手緝蓋歸來
乎山中兌麓澤其講習清斯濯以自潔起風雲而獨
立挹煙雲而進之間孔聖之何執將玉林其與遨期
瑤草之其拾亂曰有鏘其佩琳瑯璆兮風蕭蕭然山
川穆兮翁乘白雲駕言遊兮道斯在斯如泉流兮勿
遐爾心爲翁憂兮歸來歸來吾與子來兮

次朱子韵

林俊

浮鄱陽之巨浸沂星子之名疆直啓蓬以遐矚森五

老其孔良懷攬結於神秀繼舸艦於橫塘戎征夫以
前路策予馬於山之岡厓端鍾以陶鑄掛真宰於鴻
荒嶠東南以孤峙蒼輦轉於衆芳飫太清於沆瀣又
奚慕夫五更周序而殷庠粵二龍之寄傲脫雲壑以
沈洋淡虛止以超曠幹元樞以潛運緬元和之羅致
竟玉收而袂混盼鴻鵠以高舉撫白鹿而肥逕廻勸
駕於拾遺勞朋友之教問羌徙跡於東都播附章而
彙進惟紫陽之聲守石儒烈以圓倦諦頽址於荆榛
大繕葺復奚孫飭藏修於地所揭要領於前論旣廣

貽夫士庶亦載勤夫御書儼聖賢於遺像條規範於
偉模授紀成於秘閣假休沐於咨諏振風雩之逸響
循孔步而頽趨朗人文於奎曜恢正學於永圖嚼遺
言於敬義恍面語而勤渠悵日月其滋久洞莽倉以
靡除睠余生之伊晚竊心慕而企符悼梁木之宿頽
偕章絳以後集噫墜緒其茫茫惡德門之望入幸來
復其未遠矧日力其猶給礪鍼石以起痼豈濂洛閩
關之莫緝謹濯雪以刮劓奚弊弊乎末習夙遵軌以
信邁覲百一其有立惟格人之可起委厥鞭其願執

與濡染於幽馨仰前修於掇拾亂曰聖澤泓澄磔鳴
璆兮雲章煥爛柯蟠樛兮含真嗣徽濛化游兮奚濯
其纓枕寒流兮衿裾容與樂消憂兮浮雲物外泊吾
生以奚求兮

次朱子韵

新順

粵南康之有郡兮據吳楚之封疆由名賢之過化兮
民俗丕變而淳良村落僻其近郭兮紛陸陸乎想塘
槩白鹿之幽勝兮在東北之重岡昔山人托迹於斯
兮後復剪其榛荒臺榭屹乎輝膜兮花草鬱其芬芳

暨南 置學兮曰匡山之國庠降五老之哭兀兮吞
彭蠡之汪洋尋大振八聲教兮際宋朝之休運山若
增而巍巍兮泉若濬而混混禽鳥樂以和鳴兮豺虎
避而深遯九經於焉領賜兮羣士於斯乎講問逮紫
陽之興建兮悵然懷乎先進書有積而田有給兮樂
教養之無倦寄衷情於賦詠兮粲幼婦兮外孫顧斯
文其在茲兮豈吾徒之私論慨斯人不常存兮道猶
寓乎遺書矧條教之昭晰兮誠萬世之楷模何喪亂
之屢經兮莫圖舊而重諏聖澤爲之下壅兮學徒廢

其振趙幸治教之休明兮屬一統之皇圖郡侯憲吏
相繼而修復兮展夙心之勤渠進諸生以道德兮外
聲利而屏除彼垂涎於公相兮陋韓公之訓符余登
臨而假寐兮夢先哲之羣集儼杏壇之講授兮紛堂
升而室入回庶乎其屢空兮雍無事乎口給點鳴瑟
以詠歸兮參省身而傳習踵夫子之步趨兮歎文王
之熙緝呼予前乎丁寧以告戒兮忻仰瞻而起立授
予以明誠之要旨兮曰擇善而固執勿驚寤如有失
兮賴片言之撫拾仰高山余起敬兮見千仞之蒼鵞

攀桂枝以延佇兮羌偃蹇其相樛世有異而心不殊
兮聊想慕以優遊夫豈耽山水之爲樂兮徒漱石而
枕流願辭榮於宦海兮假林壑以消憂從吾心之所
好兮更於世乎何求

次朱子韵

舒芬

設吳楚之兩界鎮江黃之故疆緯匡山之偉觀屹頽
波之忠良迤敷淺而彭蠡懲險束夫瞿塘有阪有限
有淵有岡歷姚姓以迄周罔或烈而遂荒肆洞天
之幽圓鬱草樹而青蒼終名勝之莫掩肇宮宇而膠庠

屬鴻儒之起廢濟後學之望洋適奎躔之聚輝贊斯
文而起運敬義揭以直指老佛闢而莫混士知方以
有來或於焉而繫遯余茲仰門牆而握衣隸也跋峯
巒而頻問聆澗泉三折而東之諒前途伊邇可勇進
雲相隨乎其若無心鳥相依乎其若不倦感農夫之
刈麥嬉引鋤而弄孫奚真朴之難復可於此而尚論
旣乃度漱石之新梁觀華扁之大書欽皇明之賁飭
匪淳熙之舊模聖訓儼乎可畏規言炳乎足詎曰旣
及呼其門敢不繩夫步趨嗟孔道之再興惟太極之

一圖爰定性於伊洛亦訂頑於橫渠視主靜與慎動
尚窺壁而循除闡千古之幽秘圖與易而契符謂朱
夫子之渾然猶樂大成之槩集迹窮理於廢物真乾
健而巽入顧俾小子之務茲懼夫勉行之不給矧危
微之墜緒烏紀誦之能緝天既設夫我中聖又示之
一時習胡甘白首之紛如須圖大者之先立庶據依之
一有地斯御射之可執矢自今而惕勵力恒千於人十
一亂曰八音宮縣憂玉璆兮聲出林木難爲穆兮千載
一 一時白鹿遊兮其峙爲山其水爲流兮悠悠未艾我

能無憂今日月逝矣亦敏求兮

次朱子韵

唐龍

白鹿山水名天下紫陽讀書在其疆上闡道學之統
下開人心之良發軔於匡廬之麓引派乎彭蠡之塘
曾莫窺其涯涘實仰止乎高岡爰先祠於一拜閔山
徑之就荒耽泉石之真趣擷宇宙之奇芳天旣開夫
茲洞人又聚於是庠要當從而嚮往奚可歎夫望洋
進二三子於其前轉五百年之洪運指大道以入門
阨旁蹊之易混蓋闢正學之蓁蕪匪直幽人之肥遯

木石鹿豕與遊芻蕘途人是問考正統之相傳由前
修而直進心皇皇乎而有求神璽璽乎若怠倦誰道
晦菴之神不在茲我將見之羨牆而揖遜邇洙泗之
淵源問夫子之至論太極既生乎兩儀意象至發於
圖書宇宙吾道之橐籥民物四體之形模曰既入乎
其室將舍是而焉諏明性天於動靜著實地之步趨
載觀羲皇之心學盡在河洛之一圖屹人心之山嶽
決滄海之溝渠闡明誠之戶牖別義利之庭除彼濂
溪之正脉實異代而同符方關洛緒論之紛紜微夫

子之大成莫集扶孔孟於侏離正黷楊於出入功有
過於退之日惟恐其不給嗟小子之昏愚奚正宗之
能緝慕太史之山川竊有志於時習顧與我之非凡
將勉焉以自立率吾性之鳶魚庶先鞭之可執蹇遺
躅於靜修亦何辭於撥拾亂曰高山流水鳴吾謬兮
青松翠竹惟木樛兮吾道白鹿誰與遊兮千載紫陽
屹中流兮道之云遠我能無憂兮武夷雲谷從茲求
兮

原泉亭賦

千建邦

一 逝易簡之功能會始終於通復羌造化之盈虛寓消
長於化育觀泉流之靡涯實係心於川谷曰廣大之
固然若車輪之轉轂惟發軔於槁壤爰肇基於山麓
味則飲之而甘氣則嗅之而馥導厥流而勢伸之又
何亞夫江漢之族維泉生之者天成之者地既無往
而不回亦時出而靡匱匪濯漑之爲功兼含育之爲
利取象曰果行育德衍疇曰彝倫攸叙甞沸以彰侯
儀之修滌源以見府事之治懷衆德而不矜薄厥施
而靡旣想其匿影綦莽戢迹泥塗嗟沮洳之爲患奚

清新之可娛徒混淆於荆棘之內莫表著於通達之
衢前有科而弗進望海若而咨齋非濬斯流曷歸斯
壑有茗何烹有饌何濯坐臥流連我心靡樂睠焉顧
之厥池或鑿池而致之厥亭用作擬方塘之澄泓彷彿
濂溪之廣廓含雲霞而吞吐斂星辰而融鑪以九仞
爲簾籬紛竹樹之森若象日月之雙懸倂繼述之攸
託當其新荷映綠密葢飄紅秀幹載露遠香臨風游
魚往來文蛤從容碧筒攸倒紫萸漸濃誕剖珍珠之
粒堪作衛生之饗咲荔枝之未實咀銀杏之猶鬆幾

醞釀以成厚實復什襲而受重封強而無敵堅莫能
攻更有內藏之青蔥藉爲發生之芳蹤况夫掘泥披
中取材水底異荇菜之纖姿殊葑菲之下體仿一臂
以相臺如七竅之可啓惟此孤亭屹立宛在中央無
須桂楫匪駕沙棠洪濤不起清風載颺值波紋之如
縠映爛熳之仙粧儼瓊花其萃處飄輕裾而徜徉且
也千尺喬松婆娑其舞蒼翠中含澈底媚嫵風動聲
喧吟龍嘯虎若夫鼙鼓吹蠡吟啾唧鳥歌上下蟬
韻飄逸旣已鏗鏘盈耳音叶琴瑟而浮雲態變山色

嵐含柔條遠拂佳卉乍覃又豈非芳華襲目材中榱
楠者哉惟茲泉流涓涓滙成大沼深乎其容朗乎其
皦乃照鬚眉乃解憂情雲錦徘徊天光繚繞晴霞離
合煙雨縹緲蓄極而通周茲八表齊古今如旦暮一
闕闕於昏曉有鑒于前芳徽未杳有開于後潤澤匪
小據道岸而登之何中立而矯矯務叅秘旨于淵源
無徒盡餘情於花鳥曰惟師傳庭訓之在茲藉以警
心而思紹原泉去書院二里從凌霄峰來又名小

勝

白鹿書院田租記

張景良

古人之制之傳于後當其歷年久遠均不能以無弊
在當事者知所以振救之而已白鹿書院自昔有田
所以給養四方之來學者今田非益寡而歲入常不
給考厥所由則以逋負者之多也逋負之多弊不在
農佃而在侵冒之紳衿從而中飽之也及今知其弊
而勿能禁久之逋負不已且并其田而不可問而書
院從此壞矣夫書院者教化之地人才盛衰之所以
繫廼聽其至于壞而不爲之所奚可哉況今日者

壽考在上誕敷文教雅意作人嘗念白鹿書院爲朱子之所創興繼往開來裨益良多因之

賜額賜書卷也致優崇之典凡在服官宜飮聞而習睹之矣顧昔之人能創興書院于荒絕之餘而今之人不能維持書院于明盛之日則古今人之不相及何其遠與余平生景仰書院亦既有年一旦忝守此土自當以維持爲已責而承

撫憲王公又諄也清查洞租之諭事誠有不容一日緩者第獎起有因除弊者在察其因而圖之故爲

今之計欲清逋負莫急于杜侵冒杜侵冒使和不入
紳衿之乎而直責納于農佃則按籍而徵唯彼愚賤
孰敢為之抗者余因上其議于

撫憲既蒙俯允隨行各縣曉諭而農佃莫不鼓舞樂從
輸將恐後則自茲以往租額之歲必取盈無疑也由
是招徠四方之學者而得賢主講而董率之將見教
化興而人才盛于以仰副

聖明之萬一庶乎有望焉爾是不可無以記之

重修白鹿書院記

余成教

宋孝宗淳熙六年己亥朱子年五十歲知南康軍三月到任十月重建白鹿書院八年辛丑任滿遷提舉浙東常平茶鹽在南康三年白鹿鵞湖遂為天下四大書院之二以其皆朱子講學之地而白鹿又朱子所重建者也惟朱子上接洙泗之淵源旁通漢儒之訓詁尊德性道問學闡聖經廣教澤由孔子而後道在曾子子思孟子由孟子而後道在周子二程子張子而朱子總其成先賢所津逮固不僅求之於書院而流風遺韻嘉惠無窮讀其書而觸類引伸登其堂

而觀感興起視里居進修鄉校講習者得力尤深切
焉自宋元明迄今書院屢經廢興有由監司守令修
之者有衆力共修者有捐修一二堂室者其獨力捐
修者罕有以故新舊各半完敝不同也道光十七年
丁酉春都昌貢生余泰赴郡送考見學宮各處損塌
即呈請太守王公願獨力新脩是歲四月興工躬為
經理延其同鄉戚友生員陳夢祝協力贊襄至十八
年八月工竣費錢貳千餘緡旋見白鹿書院殿宇樓
閣號舍牆屋傾圯朽蠹復呈請太守王公願獨力新

修於十八年九月朔日興工躬率長子廩生體仁次子監生體義經理仍偕生員陳夢祝董其事至十九年八月工竣費錢壹萬餘緡二十年太守戴公詳請大府

奏明議叙二十一年奉

授泰同知職銜體仁體義及陳夢祝均選議叙體仁從學於同邑孝廉馮椿子眉子眉予門人也相見於丁酉鄉試之時繼而知其父於學宮書院次第新修為之甚速夫本其好善慕義之素心即以成其崇儒重

道之盛舉天下不乏其人何幸得其人於吾宗也白
鹿書院為人才淵藪名公鉅卿鴻才碩彥多出其中
先賢講學之地條目具存生徒肄業之區餽廩有給
良有司加以栽培賢師長精其訓迪一旦締造維新
規模煥奕耳目為之改觀胸襟為之開朗以時勸學
知有本原不僅在於記誦揣摩課程帖括之間本心
以窮理順理以應物動以考夫文章之得失靜以究
夫道義之指歸他日之德業事功實基於此則此際
之藏修游息安其常風雨晦明有所庇於濟濟多士

白鹿書院志

卷十七

三十七

不無裨益也矣時道光二十有二年壬寅孟冬月記

白鹿書院志卷之十八

祀典

釋菜以示敬也釋奠以報本也舉行有期器數有節
稽拜有儀凡學皆然至鹿洞爲先賢壇站所存正吾
儒禮法攸關春祠秋嘗交神明肅觀瞻也正聖者致
誠致恪對越在天其可忽諸志祀典

釋菜

周禮春入學舍菜合舞學記亦云太學始教皮弁祭

菜示敬道也鄭氏曰乘蘋蘩之屬呂大臨曰釋菜禮之至簡者也不在多品貴其誠也熊禾曰釋菜有三春入學釋菜合舞一也始入學者既爨器用幣然後釋菜二也大學始教皮弁祭菜三也本洞釋菜之禮每歲孟春郡守送諸生入書院則行先期洞主教官擇吉日請具祭品行禮齋戒三日至日郡守主祭禮畢升堂訓誨諸生凡遇提學憲臣初入書院則行主洞教官初至書院則行具品齋戒如前

釋奠

文王世子凡學春官釋奠於其先師秋冬亦如之報本也凡始立學者必釋於先聖先師及行事必以幣陳澹曰釋奠者但奠置所祭之物而已無尸無飲食酬酢等事立學事重故釋奠於先聖先師必奠幣爲禮也能禾曰釋奠有六始立學釋奠一也四時釋奠通前五也王制師還釋奠於學六也今制每歲用春秋仲月上丁日舉行先師之祭府州縣所在俱長官行三獻禮卽古釋奠之禮也本洞隸南康府府有儒學是日不能兼行考之月令仲春之月上丁命樂

正習舞釋菜仲丁又命樂正入學習樂則洞祭宜用
仲丁郡守行禮

行香

文公曰謁先聖焚香不是古禮拜進將捻香不當稽
首只直上捻香了卻出笏叩首而降拜本洞朔望三
洞教官行禮宜遵文公之教

紫陽祭禮

專祀朱子以門人黃勉齋幹蔡九峯沈李弘齋燦林
三山擇之李義卿炎呂月坡燾胡桐源孫黃西坡

彭強齋方周洞正耜彭梅坡蠡張洞長洽馮厚齋椅
陳三山宓十四人配享都昌陳經歸濤亦附焉祭

聖後行禮

宗儒祠祭禮

祠祀周濂溪程明道程伊川張橫渠邵康節陸象山

王陽明

先賢祠祭禮

祠祀唐李博士涉李賓客渤顏翊李洞主善道朱助
教弼朱明洞主起劉洞師元亨劉西澗渙劉秘書恕

陳司諫璫元黃山長異明李提學齡胡洞主居仁菴
提學葵邵提學寶蔡提學清陳御史銓唐御史龍
忠節祠祭禮

祠祀漢丞相諸葛武侯晉徵士陶靖節
祭器

祝板 香爐 燭臺 酒壺 酒樽

爵 登 斚 筮 豆

簠 簋 筐 帛匣 牲槃

牲匣 帨巾 罍巾